

/1 Fa Andriamanitra mampiseho ny fitiavany antsika, fa fony mbola mpanota isika, dia maty hamonjy antsika Kristy.

Ary talohan' ny andro firavoravoana tamin' ny Paska, satria fantatr' i Jesosy fa tonga ny fotoana hialany amin' izao tontolo izao ho any amin' ny Ray, ary efa tia ny Azy izay amin' izao tontolo izao Izy, dia tia azy hatramin' ny farany.

Ary avy amin' i Jesosy Kristy, Vavolombelona marina sy Lahimatoa amin' ny maty ary Lehiben' ny mpanjaka amin' ny tany. Ho an' Izay tia antsika ka namaha antsika ho afaka amin' ny fahotantsika tamin' ny rany.

Fa toy no nitiavan' Andriamanitra izao tontolo izao: nomeny ny Zanani-lahy Tokana, mba tsy ho very izay rehetra mino Azy, fa hanana fiainana mandrakizay. Tany lavitra any no nisehoan' i Jehovah tamiko ka nanao hoe: fitiavana mandrakizay no nitiavako anao, koa izany no nampaharetako famindrampo ho anao.

/2 Ary iaraha-manaiky mihitsy fa lehibe ny zava-miaina ny amin' ny toe-panahy araka an' Andriamanitra, dia llay naseho teo amin' ny nofo, nohamarinina tao amin' ny Fanahy; hitan' ny anjely, notorina tany amin' ny jentilisa, ninoana teny amin' izao tontolo izao, nakarina tamin' ny voninahitra.

Hoy Jesosy taminy: Izay ela izay no efa nitoerako teto aminareo, ka tsy mbola fantatrao ihany va Aho, ry Filipino? Izay nahita Ahy dia nahita ny Ray; koa ahoana no anaovanareo hoe: Asehoy anay ny Ray? Tsy mino va hianao fa Izaho ao amin' ny Ray, ary ny Ray ato amiko?

Ary izany rehetra izany dia tonga mba hahatanteraka izay nampilazain' ny Tompo ny mpaminany hoe: Indro, ny virijina hitoe-jaza ka hiteraka zazalahy; Ary ny anarany hataon' ny olona hoe Imanoela, izany hoe, raha adika: Amintsika Andriamanitra.

Tamin' ny voalohany ny Teny, ary ny Teny tao amin' Andriamanitra, ary ny Teny dia Andriamanitra.

Ary ny Teny dia tonga nofo ka nonina tamintsika; sady feno fahasoavana sy fahamarinana.

/3 Na iza na iza manaiky fa Zanak' Andriamanitra Jesosy, dia mitoetra ao aminy Andriamanitra, ary izy kosa ao amin' Andriamanitra.

Fa ao amin' ny tenany no itoeran' ny fahafenoan' ny fomban' Andriamanitra rehetra.

Ny handrosoan' ny fanapahana sy ny fiadanana dia tsy hanampahataperana eo amin' ny seza fiandrianan' Davida sy ny fanjakany, mba hampioerenana sy hampitoerana azy amin' ny rariny sy ny hitsiny hatramin' izao ka ho mandrakizay; ny fahasaro-piaron' i Jehovah, Tompon' ny maro, no hahatanteraka izany.

Ary ilay anjely namaly ka nanao taminy hoe: Ny Fanahy Masina ho tonga ao

aminao, ary hisy herin' ny Avo Indrindra hanaloka anao; koa ny Masina Izay hateraka dia hatao hoe Zanak' Andriamanitra.

Raha mbola niteny izy, indro, nisy rahona mazava nanarona azy ireo; ary, injao, nisy feo avy tao amin' ny rahona nanao hoe: Ity no Zanako malalako Izay sitrako; Izy no henoy.

/4 Fa hoy Izy taminy: Hianareo avy aty ambany; Izaho avy any ambony; hianareo avy amin' izao tontolo izao; Izaho tsy mba avy amin' izao tontolo izao.

Dia hoy indray Jesosy taminy: Lazaiko aminareo marina dia marina tokoa: Izaho no vavahadin' ondry.

Raha amin' izao tontolo izao Aho, dia fahazavan' izao tontolo izao.

Hoy Jesosy taminy: Izaho no mofon' aina; izay manatona Ahy tsy mba ho noana, ary izay mino Ahy tsy mba hangetaheta intsony.

Hianareo manao Ahy hoe Mpampianatra sy Tompo; ary marina ny filazanareo, fa izany tokoa Aho.

Hoy Jesosy taminy: Lazaiko aminareo marina tokoa: Fony tsy mbola ary Abrahama, dia Izy Aho.

Hoy Jesosy taminy: Izaho no fananganana ny maty sy fiainana; izay mino Ahy, na dia maty aza, dia ho velona indray.

/5 Dia nasainy nipetraka teny ambonin' ny ahitra ny vahoaka, ary noraisiny ny mofo dimy sy ny hazandrano roa, dia niandrindra ny lanitra Izy ka nisaotra; ary nony efa novakiny ny mofo, dia natolony ny mpianatra, ary ny mpianatra kosa nanolotra ho an' ny vahoaka. Ary nihinana avokoa izy rehetra, ka dia voky; ary nangoniny ny sombintsombiny sisa tsy lany, ka dia nahafeno harona roa ambin' ny folo. Ary izay nihinana dia tokony ho dimy arivo lahy, afatsy ny zaza amimbehivavy.

Fa Simona namaly ka nanao hoe: Tompoko, mandritra ny alina no efa nikelzanay aina, nefa tsy nahazo na inona na inona; kanefa noho ny teninao, dia halatsako ihany ny harato. Ary rehefa nataony izany, dia nahazo hazandrano be dia be izy, ka efa nisy triatra ny haratony.

Ary, indreo, nisy jamba roa lahy nipetraka teo amorondalana, ary nony reny fa Jesosy no mandalo, dia niantso izy ka nanao hoe: Mamindra fo aminary, ry Tompo, Zanak' i Davida o!

Ary Jesosy dia onena azy ka nanendry ny masonry; ary nahiratra niaraka tamin' izay izy, dia nanaraka an' i Jesosy.

